

North by North-East

una start-up



Fade in

Sotto una pergola di kiwi; luce crepuscolare; tavolino e tre sedie da giardino spaiate, tutto vecchio e di poco prezzo

Un'inopportuna indicazione di scenografia: far scendere sopra gli attori un numero X di kiwi, a diverse altezze, legati con filo da pesca.

In sottofondo, per tutta la scena, rumore di acqua che scorre (pozzo artesiano); e grilli, zanzare, pipistrelli e tutto il resto di una sera d'estate in campagna - con l'aggiunta del traffico, a ondate, dell'autostrada A4 (tratto VI-PD)

VIT (*è in piedi; saggia i kiwi con la mano*)

E ora

Xei fati

ICIO (*seduto che fa una mesta*)

Eh

no'i xè mia mauri 'ncora

Ghe vo'e altri quindase giorni un mese

Dopo

a te poi vegner tortene quanti che te ghin vui

Tanto
 mi no'ì magno
 a me mama no'ì ghe piase
 L'unica che 'ì magna xé a Lucia

VIT Voe'tieri
 Na sporta o do vegno tormene

ICIO Anca ti eh Bob
 Se te ghin vui
 basta che te vegni torte'ì
 St'ano ghi na fato na marea

BOB *(in piedi – e quando è in piedi: mani in tasca e una
 continua leggera oscillazione dx/sx)*

Mah
 No xè che vaga mato pai kiwi

ICIO E sentate xò
 Che te me meti el nervoso in pie

BOB Xè in pie anca Vit

ICIO Sì
 ma lu se gà pena alsà
 Ti te si in pie da quando che te si rivà

BOB So sentà in furgon tuto 'l giorno
 Deso me sento

VIT *(tornando a sedersi)* A proposito
 Come xea su da'a Lucia
 So fio'a come sta'a

ICIO Un disastro dio can
 Xè sempre più difisi'è farghe rivar su qualcosa
(rifinendo il cannone)
 A parte che costa sempre de più
 deso me toca 'ndare fin Vicenza a'a domega
 matina a'e sinque
 Ghetto presente el parcheggio del stadio
 Te ve farte un giro a'a domenega a'e sinque sie de
 matina
 te par de esare al bazar
(battendo il cannone sul tavolo)
 Cioè
 prima te te metevi d'acordo
 i vegnea fora col furgon qua al case'ò
 dell'autostrada
 ghe davo el paco
 e 'a gera fata
(arriccia carta in eccesso)
 Però par luri xé un rischio
 ghetto capio
 I gà i orari tirà e noi poe mia sgarare
 che i gà sempre na machina davanti/ e una de
 drio

BOB Na machina davanti

ICIO E una dedrio
(si accende il cannone; profonda boccata)
 Che ghe segna'a se ghe xé 'a truppa
 ghetto capio
 e luri bisogna che i sia sempre giusti coi tempi

BOB Ah!
 A me faria comodo anca mi
 Che tra multe e punti so'a patente
 no so pì dove sbatare a testa

ICIO E da quando che xé comisià i casini i xé pi'
 tirà 'ncora

(boccata)

Che i parte tuti da Mi'an
 ghetto capio
 Che i xé italiani
 quei che gà in man tuto
 e so anca chi che i xé

VIT Ma cosa ghe màndeo su

ICIO *(sempre fumando)*

Cand'e par esempio

No ghe xé cand'e

te rendito conto

E sicome 'a corente ghe xé e no ghe xé

e pi no che sù

(boccata)

Che e'a sta proprio lì dove che ghe xé i casini

ghetto capio

che no'a po'e 'ndar fora da so'a gnanca de

giorno

Pensa ti che situasion

VIT Ma e'a xé russa no

Cioè

deso lì ghe xé i fi'orussi no

ICIO Russa!

No'a xé mia que'a a question

(boccata)

Xé che li gira 'ste bande

che se i vede na femena drio 'a strada

no xé che i ghe domanda se 'a xé russa o ucraina

gheto capio

Lì 'a gente sparise

E que'i che resta se'a mete via

(boccata)

Che nialtri qua no savemo gnente

no savemo

de che disastro che xé su par de 'à

VIT Mah

I ghi na parlà un poco al'inisio

e dopo...

Un po' come sempre no

ICIO Mah

Mi vardo qualcosa su internet

ma anca li

no xé che se capisa gran che

(boccata; passa il cannone a Bob)

BOB Gera ora

ICIO Cossa vuto

Ormai

so così abituà fumar da so'o

che no me rendo gnanca conto

un tempo

No ve gò gnanca domandà

Voyo qualcosa da bevare
(a Bob)
 Ti na coca
 No ocore gnanca che te domanda
 Ti Vit
 Se te vui gò anca cedrata

VIT 'na coca va benissimo
 grazie

Icio si alza e si avvia; Bob e Vit rimangono soli

BOB *(si siede; boccata)*
 Che el sa anca chi che i xé
 ghetto capio

VIT Chi che xé chi

BOB Quei che gà in man el giro de'e spedisìon
 No te ghè sentio che 'l gà 'ito che i xé tuti da
 Mi'an

VIT E come fa'ò conoserli

BOB Come fa'ò conoserli
 'a prima vita caro mio
(boccata)

VIT Saveo che 'l spacciava qua
 Ma Mi'an...

BOB Metà dea bamba che girava a Mia'n 'a
 portava su lu

VIT Addirittura

BOB Beh

magari metà no

ma pa' un periodo el gera sempre su e sò da

Mi'an

E del resto

'a roba rivava tuta a Verona

gheto capio

e dopo

da 'i...

Comunque

no te ghè gnanca idea de quanta gente che'l

conose

El gera partio vendendo a Vicenza

ma dopo...

Cioè

Epaminonda

Maniero

chei giri 'i

gheto capio

Vara che lù girava in Porsche Carrera

e sempre col fero in scarse'a

VIT L'è sta bravo vegnerghene fora

Bob fa un ultimo tiro e passa il cannone a Vit

VIT *(guarda il cannone – non è rimasto molto)*

E deso 'l fa machine utensili

(boccata)

E 'a ghe va anca ben no

BOB Ghe xé ca' à un po' i ordini un periodo
 ma deso 'a ghe va meyo de prima
 No te vedi che no'l gà mai tempo par gnente

VIT (*boccata*)

Sì ma
 cioè
 no xé mia fasi'e fare machine utensi'i
 Ga'o studià

BOB Sì

un par de ani de giometri/ dopo el gà mo' à

VIT E ora dovaria eser bon anca mi che so rivà
 in fondo

BOB A parte che no te fe el giometra gnanca ti

VIT Sì

ma scrivare xé boni tuti...

BOB (*sarcastico*)

Sarà
 ma se scrivo qualcosa mi
 nesun me dà un euro giusto

Un tempo

Comunque
 lu el gera in comunità
 ghetto capio
 e i se gà conosuo lì coi soci
 cioè
 a' a fine

co xé sta ora de ‘ndar fora
i se gà mesi insieme e i se gà impiantà

VIT E i xé ‘ncora insieme dopo venti ani

BOB Mah

Ogni tanto el dise che l’è stufo

‘l parla de vendere

ma dopo...

El fato xé che se te ghe cavi el lavoro el va via
co’a testa

Che lu non ghe gà mia ciapà el fegato
come mi

Lu xé uno dei pochi che ‘l xé vegnù fora senza
epatite né gnente

gheto capio

Lu nol se gà mai fato co’e spade de’i altri

Un tempo

Però ghe gà ciapà ‘a testa

Che fin pochi ani fa el to’eva de quei pastiglioni
che ‘l gera rincoyonio da’a mattina a’a sera

Arriva Icio con due coche e una birra

BOB Dighe che ‘l te conta

de quando che ‘l ‘ndava in giro in machina a
contare e’e foye

ICIO Dio can che periodo!

(passa le coche e si siede)

VIT *(passa il cannone a Icio)*

Dovaria esarghe ‘ncora un par de tiri

Un tempo
 Contare e foye
 Ma
 que'e par tera

ICIO (*fa un tiro poi spegne e si mette il filtro in tasca*)
 Che se no 'a Lucia se inquieta se 'a trova i filtri
 in giro

Un tempo
 Gnente
 toevo su a machina e 'ndavo in giro contare 'e
 foye che cascava da'i albari
 Cioè
 so'o que'e che gera par aria
 ghetto capio

VIT E a quanto sito rivà

ICIO No 'o so
 Numari assurdi
Un tempo
 Me ricordo che na volta me so trovà in
 tangensia'e a Mi'an
 a'e quatro de matina
 che no saveo gnanca come che ghe gero rivà
 'Tute strade'e de campagna
 ghetto capio

BOB Pi'ota automatico
 L'abitudine
 che te xé tornà su dopo ani

ICIO A beh

po' darse sì
un tempo
 E dopo
 a no dormivo pì
 no magnavo...
 A'a fine
 me so fato 'a vaixa e me so presentà in
 psichiatria Vicenza
 che gero xà sta na volta
 ghetto capio
 A no gò 'ito gnente
 I me gà vardà
 e i me gà ricoverà suito
un tempo
 E dopo
 da ì
 no 'o so
 Cossa vuto che te diga
 Bravi
 che i me gà trovà a'a cura giusta

VIT E ti te'a ghè fata

ICIO E mi 'a gò fata

Pausa

BOB Ma quanto te fa'i al chi'o

ICIO (*colto di sorpresa*)

Al chilo

BOB Co te ghe mandi su 'a roba in Ucraina

Quanto te fai

VIT (*a Icio*)

No gaveo capio gnanca mi

ICIO Quanto te fai al chi'o

A me xé vegnù un flashback dio can

Un tempo

Un euro e cinquanta al chi'o

Ma deso

co'a Lucia

ghemo trovà uno che me fa uno e venti

Parché

Gheto da mandar su roba

No save'o mia che te gavessi/ na badante anca ti

BOB Na badante

No

I veci sta ben

I fa sempre pì fatiga

ma i se rangia

par fortuna

VIT E xé tanto un euro e cinquanta

BOB Se xé tanto

I ciapase mi un euro e cinquanta al chi'o!

E tuti in nero

ICIO Beh

ovvio che i xé tuti in nero

VIT Fin lì ghe rivavo anca mi

BOB E sto qua xé to amico
L'autista

ICIO I xé proprio del steso paese
gheto capio
e'ò e a Lucia
el conose so fioa...

BOB Anca un euro e venti al chi'ò
tuti in nero...
Cioè
el marcà ghe saria no
Se rivase uno che ghe fa uno e venti
el tira su/ un sacco de lavoro

ICIO Bob
a no te domando gnanca se te ghè fuma
parché te ghè fuma

BOB Parché
Se ghe xé lavoro

ICIO Se ghe xé lavoro!
Vara che
se no ghe xé italiani che va far consegne in
Ucraina/ ghe xé un motivo

BOB Cosa vol dire
Sa va luri poso 'ndare anca mi no

VIT Me piyasaria fare un giro da che 'e parti

ICIO (*battendo le mani, sguardo verso l'alto*)
A dio can n'altro che gà fumà

VIT Beh
Me pare che ghemo fumà tuti
O no

ICIO E ora sarò mi
Cosa voio che ve diga

BOB Ma ti te dispiasaria se ghin parlase co'a
Lucia
Cioè
me bastaria fare qualche viayo insieme col tipo
gheto capio
pa' renderme conto

ICIO Secondo mi te si fora de testa
Però sì
se te vui parlarghe
(*guarda l'orologio*)
Vara
te speti mes'ora che 'a mete in leto me mama

BOB Bon!

Pausa

VIT Davero Bob
Se 'a te va ben che te comisi far su e xò
na volta te compagnia vo'entieri
Dopo magari scrivo qualcosa

BOB Parché no

ICIO (*preparandosi a fare una nuova mesta –
rivolgendosi direttamente al pubblico*)

I faso masa carichi

que'o xé!

(scalda il fumo)

Fade out